

明
詩
紀
事

明詩紀事

貴陽陳田輯

卷六

何御二十一首

御字子憲又字範之福清人嘉靖戊戌進士除廉州教授遷國子博士歷都察院都事出爲廉州知府遷兩淮都轉運使有白湖集六卷

田按子憲牽絲海邦再轉京職沈淪卑官故不甚知名古詩妙合音節興寄遙深七律健爽鄧汝高錄閩詩不見推挹徐惟和晉安風雅稍見採錄余獲白湖全集特標目與海內共賞之

傷歌行

佳人來南國穆卜啟洞房合歡琥珀枕連理珊瑚牀上牀金

戊籤卷二十

孔雀下牀玉駕驚重繡幃覆疊翠袖張不見珍席棄翻
同敝帷傷束葦自河蕩裁蒲亦近塘慚此微賤質奉君歲月
長絲麻易營蒯樵悴奪姬姜古來遞如此何訝獨相忘

女兒行

十八長京華遠別淚如泚不見坐車人但見行船者春水發
潞河畫船大於屋三日駕北風河干勝轉轂江北多麥菽江
南多水稻春稻白如銀不似麥菽好阿女將出門爺孃相持
哭勿作原上棗過江化爲棘北地饒冰雪南中劇霧雨勉旃
加汝餐風氣不相似

古意

君家織素繅落杼皎如雪持以贈孤寒豈不重山嶽向來裁

爲衣歌舞春風渥未由答君恩慚愧雙明月

城東僧舍夜話

涼月在東方稍稍披雲出清影泛高林露華滿川陸眾鳥驚
復寂墟煙散還宿瀟灑序上人棲遲塵外躡相見究玄境忘
此吏情促河漢忽西橫梵鐘報華閣

送蕭玉中歸東安

攜酒在河亭忽念春光過行人此時歸芳草猶未暮飛燕拂
遊絲初蟬響驛路搖搖薊門舟渺渺楚江渡相望隔風塵相
思積煙霧公暇多新吟因鴻遠惠顧

遊朱園

淹矣束微官浩然思故里去留未能裁歲月忽盈紀感事戚

良時撫年慚壯齒及茲簿領餘小集淹朱邸鳴樹多珍禽映
階有芳芷座遲山雨收席迫溪雲起一悟乘流心得窮觀物
理纏牽何足疑招尋從此始

粵中雜詩

中夜忽惆悵攬衣循前楹清歌發楚調稍變越中聲側聽豈
不異勞者宜其情皎皎山月高湛湛園露零眾鳥棲已寂孤
鴻浩獨征美人在南國何因達遠情

早發廣源關望西山道上作

西山訪昔遊仍協省中彥佳豫適芳辰清言出華宴紆徐訂
前諾延綿得深眷俯窮青野觀仰極立宵盼梵剎布金銀湖
光照臺殿千巖雨後姿萬壑晴霞變荷芡隨沿洄鷺鴻遞隱

見行愛嵐氣懷坐惜鳥聲縱殊景紛在茲盈矚詎能遍但獲
昭曠懷歸途不知晏

夏日山中

孟夏炎氣升坐憐眾芳歇徒步循河濱輕策入林樾偃仰巖
間松繁迴澗底葛谷幽禽鳥稀苔積石崖滑鱗鱗乍起雲微
微初上月始經苦力疲久憩遂神豁乃悟草立勞亦鄙書空
拙儻能怡性靈無爲自戕伐

與邑中諸友尋翫西南陽諸勝

四序互相推二月辰初吉王役稍紆徐鄉國暫假息班生無
舊廬揚子有立室側處敦風期素交靄雲集逶迤南郭行宛
轉西郊入迂徑探邃幽高原發昭晰沿厓水漪漪出浦樹厖

歷在昔懸懷想於今窮攀陟良時不可常茲樂詎云極

處女吟

深閨二十不可媒春風吹花覆錦苔東鄰處女年十五已逐
簫聲齊鳳舞誰憐粉黛輕從人百年易墜千金身傾筐不怨
梅晚落翦拂雲綃出香閣

寫懷寄晏石橋兼訂武夷匡廬之遊

昔日何日別君行春風楊柳搖金城今日何日我載旌橫江
渺渺秋風生停車一慨嘯揚袂且徂征白日山鬼出半夜鷗
鷗鳴兩人三人成市虎止榛止棘何多蠅險巇悲世路憤切
傷人情紫綬金章棄安恤黃鐘翠釜擊未平吁嗟晏夫子日
月銷毀終有時王侯富貴只如此麻姑髮已頽鬢骸何能語

金絡空追冀北羣玉壺且待汝南侶緘題到海頭海水逝悠
悠君當武夷駕吾亦匡廬遊素女垂花寒不隕錦屏疊翠光
欲流閣上九仙齊拍手雲中五老皆回頭此遊不可孤此樂
不可紀赤沙立石淨九秋烏帽青鞋走萬里纏牽結束胡爲
爾

封水登舟復作

登艫不自嫌循岸寫煩憂風聲生極浦月色漾中流清淺仰
河漢徘徊觀女牛懼歌何處發聽此心悠悠

秋夜懷楊子立

雨後開簾爽氣生綠槐庭院坐初晴明河倒瀉星辰溼涼月
高懸風露清欲倚簫聲傳鳳曲祇愁刀尺動秋聲夜聞白芷

歌淒切南國佳人繫遠情

返別業述

東粵馳驅厭短蓬南溪蕭洒近冥鴻陰符篋裏三年閉道錄
牀間幾歲通野獵頻隨射虎將山居未學養雞翁海門忽報
生烽燧欲奪旄頭第一功

獨坐念海寇未除

伏雨闌風助寂寥海門東望旅魂銷千家瘼後傷春草萬姓
歸餘哭暮潮日月東升氛未息豺狼西入氣猶驕千秋擊節
思名將衛霍何因在漢朝

陌上吟

春風盈御陌驅馬多如織綠衣下馬郎相問不相識

塞上曲

三軍變胡服一夕過陰山奪得名王婦雙提馬上還

揚州曲

妾妾餘束巾一機連百幅生男不出門生女嫁南北

卽事

雷聲隱隱出深谷雨色蕭蕭來遠舟溪添春水忽盈丈鷓鴣
鷓鴣滿意遊

過徐州

歲歲春風生紫霞徐陽三月爛桃花笙歌一夜隨流水認得
青樓第幾家

喬世甯

十七首

世甯字景叔耀州人嘉靖戊戌進士除南刑部主事
歷郎中出爲四川僉事歷湖廣提學副使河南叅政
進四川按察使有邱隅集十九卷

藝苑卮言喬景叔詩如清泉放溜新月掛樹此景殊
少不耐縱觀景叔已酉歲以楚滿參入賀萬壽余時
見之短而髯溫然長者也所有行卷僅百餘篇耳頗
膾炙人口又十餘年景叔卒近有以其邱隅集來者
云景叔所自選余猶記其行卷內一七言律寄王太
史元思謫戍玉壘者云學士兩朝供奉年上林詞賦
萬人傳一從王壘長爲客幾放金雞未擬還問道買
田臨灌口能忘歸馬向秦川五陵他日多豪俊空望
城南尺五天詞頗佳而集不之選何耶
盛明百家詩景叔詩爲時推重謂在康對山王漢波
之上
明詩選李舒章曰景叔清穩特少沈入之句
靜志居詩話何仲默視學秦中景叔親受詩法譚必
移日故其詩整而不浮與許少華肩並餘茂有過焉
者
田按景叔論詩云七言律起於唐沈杜爲宗而律體

尤難工獨取蘇頌望春格律完粹冠於諸子與李何
持論稍不同五律有唐人格意清圓宛轉不愧作者

臨高臺

臨高臺下臨深谿上有樓觀中天開觀日滄海海水一杯僊
人靈藥在蓬萊望而不見思悠悠日臨高臺仙人來不來

歲暮吟

玄冬雪霰日交野雲黯慘冰山高林莽盡昏風怒號芷蘭
委地等黃蒿驚鷓鴣野立豺虎驕中原鴻雁聲嗷嗷我心忉忉
增煩勞

七夕過潼關馮董二舉人招飲溫泉

相逢難此夜遊宴過華清何處長生殿當時無限情山花送
繡色宮樹滿秋聲罷酒中庭月蕭然客思生

客鷺峯寺聞棹聲

古寺長千曲時聞鼓棹歌
雲林吾已愜江海復如何
坐想滄洲近興隨漁父多
西津日薄暮看盡楚帆過

月夕再登合江樓有懷舊遊

往歲今宵月羣遊眺水城
江樓還獨上秋月爲誰明
攬贈心仍切嬋娟夢易生
天涯有高興應憶鑒帷情

寄憶嘉州任夢錫副使

世途不可問良晤渺難期
江草綠誰發江雲獨爾思
買田應附郭移舍想臨池
況復峨眉近遊山定有詩

春江曲

一水平如鏡耶溪望轉幽
輕盈游女珮喧動采菱舟
欲蕩青

春日還生白紵愁何如寶家婦織錦上高樓

同部中諸友城南登臺

白雲望不盡
沉復臨高臺
春色滿天地
客愁何處來
他鄉逢此日
萬事且銜杯
有酒不同醉
山花空自開

出京別沈江村

客繫長安日
琴尊日過從
別離還此地
搖落正立冬
去國非吾願
思君何處逢
到知江草發
誰共采芙蓉

答太和尹舉人寄書兼訊兩湖陳子

江湖日悵望
萬里一書來
尊酒幾時共
瑤華空自開
聞持白雪賦
欲上黃金臺
爲謝陳書記
清朝獨愛才

晚晴

雨色動春寒浮雲返照殘
宴遊會幾日花落滿長安
江海仍多病靡蕪只自看
況逢湖雁過客思詎能寬

胡隱君環溪

聖代方招隱高人獨倦遊
環溪懷故業歸棹及新秋
江嶺一相送鄉關各自愁
遐心如可慰予欲卧林邱

送田郡博歸漢陽

微官仍罷去江上別愁深
棄置今何歎沈冥古所欽
鶴樓間尚在仙侶好相尋
予亦倦遊客因今懷故林

雨夜舟中

江村秋雨落葉滿楓林
留滯孤舟客蕭條歲暮吟
檣燈還自照雲氣坐來深
忽憶滄洲趣令人動遠心

病中聞揚州寇報

海上氛祲蕩日長羽書今報過維揚正愁關塞多戎馬況復
江淮作戰場未斷鯨鯢流血常從霄漢望天狼干戈白首
憐生事臥病空山秋草黃

春日

白下春來雲氣深南天霧雨常陰陰誰家歌鼓日爲樂千里
故鄉時在心海雁如何獨不見江薩沉復助悲吟開門恰對
長千曲散步仍慙綠樹林

望九疑

衡山杳靄接蒼梧御氣龍華定有無一望南荒悲帝子傷心
何處訪仙都空餘斑竹淒湘浦遺恨黃陵叫鷓鴣煙雨楚天

常不斷祇愁雲散九疑孤

沈鍊一首

鍊字純甫一字子剛會稽人嘉靖戊戌進士除溧陽知縣改桂平清豐入爲錦衣衛經歷坐劾嚴嵩廷杖謫佃保安尋爲嵩所陷僂於邊隆慶初贈光祿少卿天啟初追諡忠愍有青霞集十一卷

四庫總目鍊文章勁健有氣詩亦鬱勃磊落肖其爲人徐學謨世廟識餘錄錦衣衛經歷沈鍊以論嚴嵩父子發口外爲民編籍保安鍊自負狂直開書院招四方遊士議朝政得失凡遇搢紳往來必斥毀嚴氏父子或時馳馬至居庸關下南望戟手唾罵繼以慟哭又傳檄京師欲起義以清君側之惡是時趙文華旣得罪嵩父子疑懼思以自保會有人以鍊狀來告者嵩父子懼欲殺鍊以滅口乃授指宜大總督楊順圖之會大同告急上日夜憂危之而順方殺平民奏首功蒙上陞麻者屢矣獨畏鍊口不靖則以貨遺之冀

密護其短鍊一日遺順詩曰殺生報主意何如解道
功成萬骨枯試聽沙場風雨夜冤魂相喚覓頭顱順
得詩大懼事露乘白蓮教起乃搆鍊陷之於死
明詩選陳臥子曰青霞快男子詩亦俊爽

送徐縣博員繁昌

奉檄出河濱行看柳色新一官甯足貴五斗祇因貧絳帳樽
中酒青氈馬上塵故鄉雲樹近早晚望慈親

周怡一首

怡字順之甯國太平人嘉靖戊戌進士除順德推官
擢吏科給事中坐言事廷杖繫獄得釋尋復逮繫大
高元殿災釋出隆慶初起故官遷太常少卿出爲山
東僉事改南國子司業復詔爲太常少卿天啟初追
諡恭節有訥齋文錄十卷詩錄九卷尺牘四卷雜錄

三卷

舟夜大風

歸程十日尙瀛洲去國遲遲惜晚秋野興耽人餘斗酒客情
隨處宿扁舟江鄉此去無勞夢險阻年來不解憂一夜天風
還誤喜只疑吹到海東頭

徐良傳

三首

良傳字子弼東鄉人嘉靖戊戌進士除武進知縣徵
授吏科給事中言事斥爲民有愛吾廬集八卷

明授黃門以劾仙宮成朝議稱賀上疏忤旨罷歸立
身自守本末詩藪古不深而音節自亮如危氏重貞
堂詩可以廉頑立懦

危氏重貞堂

重貞堂在何許阿姑與阿婦辛苦世無侶阿姑二十稱未亡
階前夜雨唳寒螿誰知阿婦亦復爾兩世六月飛嚴霜姑語
婦黃口無存汝難守婦謂姑誓與阿姑骨同朽共持寸鐵肝
名保千金軀輝輝雙白璧照耀人寰區吁嗟薄俗難具陳朝
遊燕壘暮入秦一生自詔長樂老五世誰念相韓人婦人立
身不草草何況七尺垂冠紳吁嗟薄俗難具陳

龍山雜言

虹石橋邊村巷龍珠山裏人家莫道仙源易認春來處處桃
花

千金陂權歌

黃塘口外棹歌收坐看巴華幾派流疊鼓正翻獅子峽鳴笳

已近虎頭洲

袁煒一首

煒字懋中慈谿人嘉靖戊戌第三人及第授編修歷
侍讀侍講學士擢禮部侍郎加太子賓客改吏部進
禮部尚書加太子少保改戶部兼武英殿大學士典
機務累加少傅兼太子太傅建極殿大學士贈少師
諡文榮有集八卷

世廟識餘錄上蓄一猫在永壽宮乃山西晉府所獻
者解人意上極憐愛之一日忽斃以金棺葬之萬歲
山下薦以齋醮令諸臣撰青詞超度禮部侍郎袁煒
詞中有化獅作龍語上極稱善煒他詞妙麗奇詭往
往多巧思出他詞臣表龍脊特優吳中布衣有王逢
年者客煒所雅倩爲詞應古文逢年持才信筆成篇
不加點綴偶有屬草大拂煒意疏之逢年投書門者
飄然辭去書云執事以時文發科以立文拜相安知

世有古文者京師壁傳逢年書以爲真煒之實錄無
不揅腹者
野獲篇世廟居西內事齋醮一時詞臣以青詞得寵
眷者甚眾而最工巧最稱上意者無如袁文榮煒董
尙書份然皆諛妄不典之言世所傳對聯云洛水元
龜初獻瑞陰敷九陽數九九八十一數數通乎道
道合元始天尊一誠有感岐山丹鳳兩呈祥瑞聲六
雌聲六六六三十六聲聲聞於天天生嘉靖皇帝萬
壽無疆此袁所撰最爲時所膾炙他文可知矣

冬夜院中齋宿

玉堂清接禁城陰庭樹蕭蕭夜氣森咫尺天南雲縹緲瑤壇
應候翠華臨

萬虞愷一首

虞愷字懋卿南昌人嘉靖戊戌進士除無錫知縣徵
授南兵科給事中出爲山東參議歷福建副使貴州

參政進福建布政使改山西擢南右副都御史徵拜
刑部侍郎有楓潭詩鈔

鵝湖舟中卽事

八月尋幽偶泛槎水邊茅屋有人家家兒女能蕩槳爭入
殘荷看晚霞

蔣宗魯一首

宗魯字道父普安衛人嘉靖戊戌進士除潯縣知縣
徵授戶部主事歷郎中出爲成都知府遷雲南副使
歷河南按察使就遷布政使以右副都御史巡撫雲
南有集

田按道父歷官有政績其知潯縣有嘉禾及蝗飛出
境之異潯人王璵作頌及序紀之按察河南糾伊府

之唐置之法巡撫雲南定阿堂之亂奏罷採石大理
立蘇民病許仲貽寄蔣中丞詩云吳門常記奉高談
別後逢人謝錦函呂伯向時留陝右孔明今日在滇
南內臺出鎮名元重貴竹移家俗舊諦柔遠暫勞調
鼎近獨愁無地盍別簪其爲名輩推重如此

碧雲洞

澗道風湍開遠巘石門花霧帶平川蓬瀛舊有神仙侶對酌
滄洲思渺然

陳昌積 一首

昌積字子虛泰和人嘉靖戊戌進士授禮部主事遷
尙寶寺丞兼翰林五經博士有兩湖集三十四卷

田按王浚川數當時作者江右有尹子陳子尹子爲
洞山陳子則子虛也子虛詩調閤亮惜不傳其全集
錄之

湖興

水淨雙湖菡萏幽卜居性僻愛林邱長憑藥裏供多病聊借
書籤散亂愁片葉得風隨澗水孤花和雨泣蘋洲故人厚祿
書全少惆悵空登王粲樓

黃注一首

注字汝霖信豐人嘉靖戊戌進士除長興知縣徵授
吏部主事有集

南野道中

山上薜蘿綠未齊山中愁聽鷓鴣啼到來客路行無盡纔過
前溪更後溪

楊載鳴

一首

載鳴字虛卿泰和人大學士士奇五世孫嘉靖戊戌
進士除潮州推官徵授吏部主事以事謫將樂典史
累遷廣東提學副使召拜通政使有大拙堂集九卷
萍鄉

故園煙樹渺蒼蒼
楚水巴山去路長
最是孤懷無奈處
亂峯殘雪度萍鄉

王炯一首

炯字幼明清平衛人嘉靖戊戌進士除南部知縣遷
興化同知有閩齋詩稿

黔詩紀畧閩齋強仕投簪泊焉自適以風雅爲鄉里
倡好平越衛山水幽勝習靜於高真觀興國吳國倫
贈詩云不覩遺榮賦誰知好道心巢雲開石室采藥
入青林遂與世人絕杳然仙路深淨邱如可遇吾意

戊籤卷二十

三

亦招尋清平孫應龍贈詩云交臂每憐時眼白輪心
推對故山青年年下詔求賢佚誰識西南處土星河
以想其爲人矣

耕隱

學道無成學老農村居一徑野雲封負鋤採藥尋仙去知在
隔江第幾峯

茅坤一首

坤字順甫歸安人嘉靖戊戌進士除青陽知縣改丹
徒徵授禮部主事改吏部左遷廣平通判遷南兵部
主事擢廣西僉事進河南副使有白華樓藏藥十一
卷續彙十五卷吟彙八卷玉芝山房彙二十二卷
年錄七卷

四庫總目秦漢文之有窠曰自李夢陽始唐宋文之有

窠曰則自茅坤始

盛明百家詩蔡白石云鹿門文勝於詩

田按唐宋八家文選自朱伯賢始明中葉未盛行自唐應德王道思矯北地則襲秦漢之弊順甫選八家文鈔盛行於時可稱好事

叢山關曉發

山色秀可掇良契遊子襟涼雲寫曲澗白日耀高林竹間露
猶泣巖阿風乍沈人煙互惹禱樵路仍嶮嶽安得攜良朋於
此援鳴琴拂衣一再鼓山水揚清音

莫如忠

二首

如忠字子良松江華亭人嘉靖戊戌進士除南工部
主事改禮部歷員外郎中出爲貴州提學副使中道
投劾歸改湖廣副使歷河南參政陝西按察使浙江

布政使有崇蘭館集二十卷

四庫總目如忠詩頗具唐音五言近體尤多佳句文則題跋頗爲雅令

明詩選陳臥子曰方伯名德羽儀詩多朴易

藝苑卮言如忠行草風骨朗朗亦善署書

畫禪室隨筆吾鄉莫中江方伯書學右軍自謂得之

聖教序然與聖教序體小異其沈著逼古處當代名

公未能或之先也予每詢其所由公謙遜不肯應及

見右軍官奴帖真跡儼然莫公書始知公深於此

列朝詩集子良善草書詩尤工近體

卽事弔古

驛路紅梅始著叢春光將半未全融蓬扉曙色經冬雪麥隴
餘寒盡日風殘刻有灰秦故國疏鐘籠月漢離宮古來無限
興亡慨莫倚肴函百二雄

遊北禪寺

香界追攀十載曾，薜蘿深處翠微層。
齊梁古蹟餘雙樹，水月玄心印一燈。
山鳥弄晴春冉冉，閣雲凝碧畫冥冥。
投簪莫訝歸無侶，猶有逢迎白社僧。

周鯤一首

鯤字少魚，莆田人。嘉靖戊戌進士官江西副使，有章

林巖藏藁

蘭陔詩話：章崑以辨冤獄忤權貴，罷歸隱。章林山中，澣衣簪冠，從雨奚童策蹇，衝道中望之，不知爲貴人，精染翰，片蹠寸縑，人爭寶之。詩亦饒風致。

病起

世難逢多病年，飢倍隱憂三旬長。
閉戶五月尚披裘，戍鼓催城夜烽煙失。
麥秋有懷冀渤海，兵甲散春疇。

王崇義 一首

崇義字子由淄川人嘉靖戊戌進士授刑部主事出
爲甯波知府有見一詩稿

送趙露泉僉憲陝西

仙郎繡斧入三秦十月關城朔氣新鳴珮共憐雲署冷看花
仍憶曲江春乾坤西北煩戎馬海嶽中原識鳳麟獨羨終軍
正年少清朝未擬駐車輪

黃洪昆 一首

洪昆字協恭莆田人嘉靖戊戌進士官江西副使有
瞻雲集

送胡龍江歸浙

路歧看不盡木落雁飛遙別後相思夢秋江幾暮潮

林萬潮 一首

萬湖字養晦莆田人嘉靖戊戌進士官贛州推官有

贛州集

寄陳少峯

燕子磯頭秋水生鳳凰臺上暮雲平相思一夜令人老愁絕
空林鷓鴣聲

陳應魁 一首

應魁字季元莆田人嘉靖戊戌進士官浙江副使有

梅山詩稿

渡江

東風吹雨暗難開更向茫茫海上來日暮愁吟魂欲斷鷓鴣
嘯上越王臺

符驗一首

驗字大克黃巖人嘉靖戊戌進士授南福建道御史
謫建安知縣累遷廣西僉事有松巖遺稿

林縣黃華寺

千峯萬峯積翠饒遠水近水通溪橋自憐不是神仙骨空憶
當年王子喬

溫新一首

新字伯明洛陽人嘉靖戊戌進士除行人遷戶部主
事有太谷集二卷

四庫總目二溫詩集新與弟秀撰秀游李夢陽之門故詩多充厲之音新詩刻意學杜而僅得浮聲蓋亦宗北地之學者也

習池

昔聞少陵詠今過習家池下馬穿幽徑新楊滿地垂青荷元自蒸碧水暗通溪謾有山翁興何由醉似泥

劉乾一首

乾字仲坤唐入嘉靖戊戌進士官國子監丞有雞土

集六卷

琴

靜聽七絃鳴瀏瀏松風瀉一彈明月來再彈玄鶴下

王健一首

健字偉純永嘉人嘉靖戊戌進士授刑部主事改禮
部歷員外郎中遷南光祿少卿有鶴泉集

樂清道中

雨餘驛路靜埃氛鳥弄清歌到處聞山轉樹陰牽落照江空
帆影亂行雲晴天四面樓臺出勝地千重洞壑分賸愛嚴亭
堪把釣洗心卻愧白鷗羣

馬廷錫一首

廷錫字朝寵號心庵貴州宣慰司人嘉靖庚子舉人
授內江知縣有漁磯集

黔詩紀畧王文成誦龍場驛丞武陵蔣信道林走龍
場受業楚中傅姚江學者道林得其真醇心庵鄉舉
後一年道林以副使提學貴州學者翕然宗之而心
庵爲之冠道林告病歸築精舍於桃花岡聚徒講學

心庵謁選蜀令才二歲卽投簪走桃岡卒業乃歸與
清平孫淮海先生爲性命交構棲雲亭於會城南漁
磯上靜坐其中爲箴以自警曰必極靜極清以至於
極定始長覺長明以至於長存澈頭方了道入手莫
言貧其勵志如此南方學者爭負笈請業漁磯棲雲
間儼嗣桃岡之盛
田按心庵與清平孫淮海思南李同野齊名郭子章
撫黔走別鄒爾瞻江上爾瞻曰黔中孫淮海李同野
馬心庵皆致力斯學惜君不及見耳子章輯黔記合
三公爲理學傳姚江明儒學案於吾黔講學者皆置
之不錄豈非缺典余欲輯黔人學案因錄心庵詩附
著其論於此

山中吟

春陽律轉先深山村村花柳回雕顏鳥鳴高樹聲關關幾家
煙火自村落春酒熟時相往還

劉熠一首

熠字元麗海鹽人嘉靖庚子舉人官監察御史有同

春堂遺稿匹卷

悲妓

十六彈箏學舞笙蝦蟆陵下舊知名而今絃調還如昔公子相逢不肯聽

程應登 二首

應登字思進長治人嘉靖庚子舉人官睢州知州改延慶有棲霞集

七月望日西寺晤一菴中甫

欽君一壺酒蘿徑掩禪扉說劍心何壯談詩興欲飛疏煙浮晚竹涼月墮秋衣坐久聞孤磬泠泠思入微

和李裕州送呂山人南還

新安何處是雲水思依依秀句囊中滿孤帆天際飛深山愁
獨鳥古木挂斜暉遙憶煙波外松蘿豈掩扉

方輿邦 三首

興邦字懋藩莆田人嘉靖庚子舉人官廣西參議有

霧村集

蘭陵詩話霧村近體師法杜陵沈著無弱調
田按懋藩官京曹時與宗子相倡和子相答懋藩詩
云念我遙傳清夜曲開爾半是自雲篇頗致推挹懋
藩近體爽健有唐賢遺韻

慈仁寺重別孫四兄員外

昔年臨此地杯酒與君期別仍千里重逢定幾時岸明殘
雪斷山繞夕陽遲獨上毘盧望蒼茫倍有思

得享夫書

汝昔趨青瑣批鱗有諫書世情難共棄古道竟何如武騎功
名薄文園歲月虛不知風雨後誰過夕郎廬

歲晚

歲晚風煙動頻驚羽檄來三吳仍寇盜萬井半蒿萊不見謝
安起其如庾信哀音書久蕭索更上望鄉臺

明詩紀事

貴陽陳田輯

戊辰

邢一鳳

一鳳字羽伯龍江衛人嘉靖辛丑第三人及第授編修歷侍講進太常少卿有雉山集

登茅山

暮春三茅風日清飛飛白鶴天際鳴野人偶來得至道老翁何處鉏黃精華陽洞口青松古錦石峯頭新月明仰天倚劍發長嘯不知身世在蓬瀛

陸樹聲

三首

樹聲

楊姓

字與吉松江華亭人嘉靖辛丑進士選庶

吉士授編修歷南司業左諭德太常卿擢吏部侍郎

進禮部尚書加太子少保贈太子太保諡文定有集

二十六卷

筆廣嘉靖數十年間海內清望平泉先生爲第一

國史唯疑陸文定起大宗伯江陵喜不俟其謁閣卽

趨詣猶以前輩事之詞林禮數舊如是未幾陸竟致

仕去總性格非合間江陵寔陸數易新衣令人整刷

鬚鬢示更新從時宜意江陵亦癡奈何以浮榮嚇清

節士雲間志畧高新鄭在政府遇事稍不當意輒曰吾不

如陸平泉陳繼儒見聞錄余山麓日院佛像落成徐文貞入山

中奉世廟欽賜蟒衣一襲付僧圓實因賦一絕云單

衣露冷宿曇華誤宿宮袍傍帝車拈向山門君莫笑

細看還是舊袈裟丁酉陸平泉八十有九矣亦以納

衣一襲付慧日院手書偈於衣之表云解組歸來萬

慮捐盡將身世付安禪披來戒衲渾無事不向歌姬

爲乞秣此二事東坡解衣留鎮山門同一風流也
田按文定清望有東漢人風詩亦蘊藉稱其爲人

顧京兆園居和莫方伯韻二首

端居嬰俗鞅結思在雲林擬並高人駕還諧靜者心屏虛山
入座徑密樹交陰彷彿還迷路幽尋不厭深

窮窅城隅隱陰森灌木繁地偏宜避俗興愜自忘言雲砌花
陰覆風階草帶翻偶來淹勝賞吾意亦邱園

北禪雙樹

巖遠香臺半刳灰斷碑遺跡掩蒿萊同看雙樹聞僧語此日
清陰是再來

陸樹聲禪林餘藻馬嶠古剎歲久漸圯地爲居民侵
蝕者半獨殿前雙樹屹立度僧臘無數兵後官司取
材議及焉余護存之他日過寺僧是榮引余讀舊
碑出雙樹下顧余曰是木向微公幾已化去今清陰

宛在實使再來緣願一言貽山門因題識廡壁以戒

田拔文定北禪小像軸萬歷戊戌葉時芳寫庭列雙
樹公坐樹下一僧對坐兩童子侍公自題云法林會
憶舊生緣十載修成破戒禪悟得本來真面目爲渠
拈山向人前孫克弘題云早持海印證禪宗理窟同
參引上公千古契機誰得似居然黃葉舊家風董其
昌題云男婚女嫁得團圓樂九十餘年現宰官苦問師
承在何處門風壁立白雲端陳繼儒題云空門冷淡
舊生涯說法唯拈笑裏花九上公休脫錦山僧看
是破袈裟又有章憲文殷廷樞蔡懋昭蔡逢辰陸應
陽詩此軸今藏余齋

方逢時

十五首

逢時字行之一字兆行嘉魚人嘉靖辛丑進士除宜
興知縣改甯津曲周徵授戶部主事改工部歷員外
郎中出爲甯國知府遷廣東副使改山西進右參政
以右僉都御史巡撫遼東改大同進兵部侍郎總督

宣大山西軍務進兵部尙書加太子少保總督如故
召理戎政還部視事加太子太保進少保有大隱樓
集十六卷

瓶頸洞續葉少保詩才情美音節調其氣豪宕不羈
純乎唐音

明詩統金湖隨地隨事皆有吟詠隨詠輒工古選墓
曹陸近體上下高常侍劉隨州

田按尙書與王學甫力主款議邊陲不受兵者數十
年世稱方王然王得諡襄毅而尙書謚典不及考款

議之成新鄭江陵主之及尙書還部與江陵議不協
九疏乞休去未逾年江陵死尙書歸十五年訖未起

用以江陵鄉人故也歿後葬祭諸典缺如至萬厯四
十一年尙書子日接疏請優卹是時福清持問柄始

許賜祭賜葬賜廕而易名之典終未許也尙書早與
吳明卿談詩清婉動人畧無猛厲之音

宿潞河驛

朝出春明門暮宿潞河驛寒日下平原朔雲迷廣陌行邁心

靡夷戚戚抱懷惻王事日鞅掌世途轉崎仄元冬燠如春黃
塵翳天末氣機信多訛調燮豈乖術真宰不可求天閨九重
隔撫景一悲歌長空羨歸翼

南園歌

燕山冰雪春猶劇對酒喜遇南園客南園風物近如何邀我
爲作南園歌玉壘天長春草碧九河煙暝春濤急陌頭楊柳
隴頭雲海上青山天上月我昔曾向南園遊鳥唳芳樹花迷
轉美人垂手柘枝舞伶兒促拍鷓鴣謳別後風塵隔海涯夢
魂常傍玉仙家歸時爲問灌園者春到甘棠幾樹花

燒荒行

漢家禦虜無奇策歲歲燒荒出塞北大磧平川絕鳥飛潏潏

龍庭暮雪黑秋風蕭蕭邊草黃胡兒牧馬乘秋涼將軍令下
促燒草銜枚夜發何倉皇邊頭路盡迷行迹黃狐赤兔如人
立陰崖舉火各因風烈燄夜照陰山紅山頭突騎飛流矢幾
人還向火中死白骨成灰散不收慟絕胡天作冤鬼東風吹
綠舊根萋乾坤回首又春歸惟有遊魂歸不得年年空逐野
煙飛

岔道

重關開入達岔道擁孤城寂寞三家市羈危獨戍兵雨霑沙
草長風激石泉鳴經畧者誰子猶題石上名

驚秋

江表棲遲歲月流荆溪風物又驚秋清甌顧影憐孤鶴飲啄

忘機愧野鷗。盧橘洞庭香。漠漠尊鱸鄉。國興悠悠由來楚客。
多悲思臨水登山賦未休。

寄吳惟德尙寶

聞君久客西湖上。悵望停雲不可招。天竺暝鐘和雨聽。孤山
晴色隔江遙。南塘夢草春多思。北谷鶯聲晚自調。白玉山中
好泉石。饒教猿鶴怨蕭條。

上巳日過衡水

風雲黯黯過衡水。節物蹉跎感異鄉。淺渚迴流橫小艇。荒村
社鼓聞斜陽。霜繁碧草經春短。天遠歸鴻傍客翔。十載素衣
半塵上。不知何處是滄浪。

再遊鉢池山次周水部韻

境入招提一徑微參差臺殿散晴暉客來山靜惟聞磬僧定
雲深不掩扉象外煙花秋欲盡水邊燈火夜初歸浮生尙覺
迷津遠迴首東林愧鳥飛

留別曹刑部周水部湯戶部

遨遊喜結天涯興離別其如歲暮心作賦共攀叢桂樹扣舷
獨唱度江吟家鄰七澤孤雲遠夢遶三洲落月深酒盡沙頭
催去鷁不堪重聽塞鴻音

九月二十九日莊居偶成

十日不到秋忽深草黃木落何蕭森菽粟已登場圃滌鴻雁
下集洲渚陰誰家機杼響茅屋何處壺觴來竹林身謝樊籠
心夷宕拄杖曳屣時高吟

粵王臺

中原不逐秦皇鹿絕域虛驕漢帝才紫蓋黃旗成草莽蒼山
赤水尙樓臺徒聞几杖三朝錫終見戈船萬里來千古興亡
君莫問漫將花鳥醉深杯

清江棹歌

古岸春回楊柳新長淮冰泮碧粼粼鳴榔振柁揚州去打鼓
燒錢賽水神

琵琶亭

流落天涯不記春檀槽金撥欲成塵空江明月相逢處一曲
相思總未真

溪行雜咏

小舟搖曳溪橋畔古寺荒涼草樹間獨立翠微最深處斜陽
影裏一僧還

汎襄江

襄江春水色如染畫舫乘春取次過芳草綠楊何限意更無
人唱大隄歌

王崇古一首

崇古字學甫蒲州人嘉靖辛丑進士除刑部主事歷
員外郎中出爲安慶知府改汝甯厯常鎮兵備副使
陝西按察使河南布政使以右僉都御史巡撫甯夏
進兵部侍郎總督陝西延甯甘肅軍務加右都御史
改總督宣大山西軍務加太子少保兵部尚書總督

如故進太子太保召理戎政加少保遷刑部尚書改
兵部贈太保謚襄毅有山堂集稿

明詩選李舒章曰司馬意色閒整殊有緩帶之風
靜志居詩話襄毅詩格登瀛橫槩自喜然按之不無
矯輻

庚戌九月將赴金陵夜泊廬陽郵亭聞虜犯近郊

江上初收雨嚴霜已渡河漢兵聞出塞胡騎竟如何雁陣凌
秋盡笳聲入耳多武陵遺曲在慷慨不成歌

萬士和

四首

士和字思節宜興人嘉靖辛丑進士選庶吉士授禮
部主事改南兵部歷員外郎中出爲江西僉事歷貴
州提學副使湖廣參政江西山東按察使廣東布政

使遷應天府尹未赴進右副都御史督南京糧儲召
拜戶部侍郎總督倉場改禮部再改南禮部召拜禮
部尙書以忤張居正謝病去起南禮部尙書不赴贈

太子少保諡文恭有履菴集十二卷

靜志居詩話履菴出荆川之門詩派從其師指授然
荆川集中罕存酬和之作故履菴有姓名不挂更何
論之句及督學貴陽以後詩月入一格荆川乃許之
曰讀汝出頭蓋荆川初入館局學初唐晚年效邵堯
夫謂其天機自動未免頽然自放矣履菴雖宗擊壤
而習染未深觀其黔南諸作頗有似柳柳州者
田按履菴督黔學以愛士名黔士苦貧削竹爲簪屑
木爲香纒絲爲網多自食其力遇荒旱則救水不足
履菴傲翁祇倉遺意以贖金糴粟數十石饋賑於
官視諸生貧乏之差而多寡其數以散之不責其息
豐年取其耗二十之一凶歲則緩其期士賴以濟又
聘馬心菴爲諸生師其聘啟云先生顏似冰壺形如
野鶴秉榮名而修性命脫凡近以遊高明寒潭見底
占斷漁磯一樹明月當空坐破蒲團幾箇遂覺江山

有主時將詩句傳神共扶名教願借高賢暫出精廬
增光書院心菴爲陽明再傳門人時稱善教履菴論
詩云乏探索之功尙飽倉之體摘章摘句割破破碎
此如越羅蜀錦寸寸而裂之又寸寸而縫之尙可以
爲衣乎蓋爲當時摹擬者發也

舟中雜懷

幻世卽虛舟蕭然作遠遊意齊鵬鷃適名爲觸蠻羞初日寫
孤樹長風破逆流隨緣信有樂何處欲銷憂

舟過壺頭雨至

雷送空聲雨不遲蕩舟壺口杳何之青山閱世自千古白鷺
沒波無四時氣候逼人秋索索風塵行役鬢絲絲文淵信有
男兒志卧看飛瀉也勸思

次答莫生韻

避人猶爲世驚猜
擣散何妨處不才
官政無心惟學圃
病身如客強登臺
自屬草閣留雲住
閒愛柴門傍水開
君欲問奇無一字
空持新律扣關來

晚歸山庄

因耽幽寂住山家
城郭歸來日半斜
林靜祇聞喧鳥雀
詩成疑已帶煙霞
浮名謾逐蕉中鹿
空影誰猜壁上蛇
今是昨非堪笑處
去年投賦弔長沙

林懋和三首

懋和字維介閩人
嘉靖辛丑進士選
庶吉士改禮部主
事歷郎中累遷廣
東布政使有櫟寄
雙臺二集

田按維介詩婉轉清圓是閩人成派

銅雀伎

松柏西陵道秋風日夜疏
粧成空自媚歌罷怨何如
淚洒羅衣溼魂銷玉座虛
還期席蟻日猶得奉恩餘

昭君怨

驕虜窺龍塞佳人出鳳城
據鞍重飲恨攬鏡更含情
沙磧春難度穹廡夢易驚
儻令天漢重敢論妾身輕

宮人斜

春雲漠漠草如煙無限香魂哭
杜鵑爲語蛾眉謾惆悵恨絕勝
青塚寄胡天

謝東山 一首

東山字少安射洪人嘉靖辛丑進士歷貴州提學副

使累遷右副都御史巡撫山東有近譬軒集黔中小

稟

明詩統高泉子曾哀輯昭代律詩爲集所作亦冲雅可喜

劍閣芳華集東山慷慨負奇博雅好古嘗得易酒法歸射洪造釀甚美蜀人謂之謝酒蜀撫軍饒景輝有詩云射洪春釀今仍在一語當年重品題獨有少陵知此味也應隨酒入新詩

田按少安督黔學時取貴州宣慰司訓導張道所輯貴陽圖經刪正之釐爲十二卷乞楊升菴爲序又輯明七律詩二十九卷其七星軒夜坐詩云酒酣抵掌青天月詩就揮毫白雪篇又哭楊升菴詩云昆明池上木蘭橈一幕青天映錦袍頗有豪氣

哭楊升菴

金馬碧鷄吟未歇風輪泡影思何玄長空鶴馭華陽國夜月

神遊洱海船

萬衣一首

衣

榜姓羅

字章父德化人嘉靖辛丑進士授南刑部主

事改北歷員外郎中出爲雲南副使歷福建湖廣參政福建按察使進湖廣布政使改河南有萬子迂談

八卷

送何黜部謫江州別駕

風流佐郡復何求直道如今卻罕儔得失未須論塞馬行藏聊且付江鷗思家時夢芳洲草戀闕遙登煙樹樓蘆嶽章江故鄉縣春明送客使人愁

雷賀一首

賀字時雍豐城人嘉靖辛丑進士累官右副都御史

巡撫四川有雷中丞律選

西行閒詠

遙望松臺懷素聞鼎湖丹火尙氤氲何時飫服金光草羽駕
追隨躡紫雲

洪朝選一首

朝選字舜臣同安人嘉靖辛丑進士累遷四川提學

副使歷南太僕少卿遷刑部侍郎有靜安稿十五卷

筆塵沈青霞鍊劾分宜十大罪至呼爲嵩賊世廟大

怒徙保安爲民鍊好譏刺邊臣詰其隱匿督府以下

咸睡之隆慶改元鍊子襄上書訟華亭柄國故與順

鍊論死順指下吏論死往順爲御史監南直試華亭

有卻逮順指下吏論死往順爲御史監南直試華亭

長子入試取代順發其狀同事御史張某馳使先告

華亭得預爲左右貴不盡法於是德同事御史而怨

順時順爲分宜所用不得報也已而有鍊事又數年

穆考卽位乃正其罪順論死在獄少司寇洪朝選者
華亭客也又阿華亭旨因順令死時五月越數日方
奏奏下已有齊桓之慘矣後數年朝選家居爲巡撫
勞堪所劾捕繫獄縊死天道好還可爲明誠
靜志居詩話舜臣強直自遂爲勞堪羅織斃之獄中
士林多爲扼腕時王道思唐應德輩銳意古文辭舜
臣雖不與八才子之列而實聯鑣並驅道思與李中
溪書云吾鄉洪芳洲先生文直得韓歐會王家法吾
輩駁雜視之有愧其傾倒至矣詩非擅長

奉陪鍾龍潭推府祇謁文公書院遂登眺瞻亭戰龍松
諸勝

訪古來陪騶馭遊層層危磴似登樓亭前怪石字還倒相傳有大石刻二字曰曉亭一日雷震石倒字亦從倒今蓋亭其上殿下雙龍戰已休舊有雙松名戰龍歲久無存帶雨山泉鳴瀉瀝吟風庭樹響颼颼歸來清夢猶相繞共歎高車不可留

范惟一一首

惟一字于中松江華亭人嘉靖辛丑進士除鈞州知
州遷濟南判官徵授工部員外歷郎中出爲廣東僉
事改湖廣歷山東參議浙江提學副使河南參政浙
江按察使江西布政使召拜太僕卿有太僕集

挾瑟上高堂

趙女倚新粧含顰緩上堂徘徊猶按瑟顧盼轉生光初調淩
宮徵流徵引鳳凰停絃且莫竟只恐斷人腸

龔秉德十首

秉德字性之濮州人嘉靖辛丑進士除鎮江判官徵
授南御史出爲温州知府遷湖廣副使有三幻集

海岳靈秀集卷之二十一
詩和粹婉麗藻思駿發
而接之詩清亮詞美俞汝成百家詩舍美而錄瑕
幾爲所掩

晚發過眞宮田九度澗歷玉虛巖作

捫石躡重巒凌虛俯幽谷登陟盡險巖
蒙茸穿水竹潭古潛蛟龍林深走麋鹿
激澗瀉潺湲奇花吐郁馥鬼斧伊誰運
鑿此仙人窟華構嵌巖嶽飛簷懸突兀
恍披九華峯疑入三天竺石髓呈異香
瑤草抽新綠忽聞鳳簫聲雲輦下廣陸
南嶺午鐘餘西林暮景促翩翩王子喬
邀我洞中宿戀此立境寂願言謝微祿

紫府觀

地控神仙府山藏太乙壇雲飄蘿洞溼日射玉壺寒
瑤草清

堪掇石英秀可餐至人何處所寂寞九還丹

甘露寺

逶迤盤石磴蕭灑度珠林草帶南朝色雲橫北固陰波光縈
戶漣樹影落巖深清磬泠泠發方窺靜者心

江心寺次韻

諸天連海藏孤嶼峙江濱鶴立松門月僧歸水上雲觀空雙
樹掩談偈一燈分豈獨耽禪寂因之遠世氛

贈姚洞陽山人

畫舫青鞋幾慣曾風江雲嶽是良朋窮途十載常爲客借宿
雙林每愛僧興極題詩攀玉壘狂來貰酒度金陵唐家麗藻
推姚合接武如君可並稱

上元日同彭膳部遊觀音山

珠林香閣倚嶙峋，高棟危欄瞰水濱。
爲客正當修禊日，逢君如對永和人。
雨餘谷口迷青靄，春滿汀頭見綠蘋。
漫向名山誇勝迹，還憑苦海問通津。

白龍湫底靈巖

蹊回磴轉入雲深，古木蒼藤結午陰。
煙浦疏鐘來遠寺，石門流水瀉高岑。
山中逋客名黃綺，洞里眞僧字道林。
落日松濤響空谷，疑聞鸞鶴送餘音。

登山海亭

石勢參差一徑通，捫蘿遙望海天空。
亭高下瞰扶桑日，野曠平臨太乙宮。
雲起波濤飛几席，潮來風雨入簾櫳。
行吟洞口

青冥上十二樓臺暮靄中

過邯鄲有作簡董近淮同年

千里塵沙一騎過邯鄲城古動悲歌
呂翁祠畔蒼苔合趙武臺邊芳草多
無復美人調錦瑟空聞俠客擁琱戈
漳河不共繁華沒日暮東風起夕波

江南春遊

風吹桃葉柳葉雨折梨花杏花竹
鳴一灣春水石欄幾處人家

殷道一首

邁字時訓南京留守衛人嘉靖辛丑進士除戶部主事歷員外郎中出爲江西參議進貴州提學副使改

浙江歷四川布政使遷南太僕卿改太常卿進禮部侍郎有山窗漫錄

病懷

城闕秋生暑氣刪空堂木榻對衰顏簾前葉落常疑雨樹裏雲過忽見山朝隱暫隨朱紱後心齋時住白雲間湖南草綠浮鷗淨愛爾忘機盡日閒

鄭潤一首

渭

榜姓孫

字伯清閩人嘉靖辛丑進士累官河南副使

有望川存稿

鄧陽道中

漢川東下向鄧城策馬朝來指別程山色和煙青不斷隔林

飛出竹雞聲

陳時範一首

時範字敷疇福州長樂人嘉靖辛丑進士累官雲南布政使有世槐堂稿

東南嶠外詩話獅岡詩多伉爽之音

鄴都懷古

漳河不作險問鼎改稱都東漢已銷歇西陵還有無金盤寒溼露銅雀暮棲鳥莫作登臺賦臺高思轉孤

張鐸一首

鐸字鳴治上元人嘉靖辛丑進士選庶吉士改御史有秋渠海岱二集

甯海諸山

候吏逢迎海日西
亂山寒色正淒淒
向來別館無人到
愁聽驚鳥繞樹啼

王應鍾一首

應鍾字懋復侯官人
嘉靖辛丑進士選庶吉士改監
察御史出爲河南提學副使遷山東參政有缶音集

東林寺

清秋重喜過東林
惠遠遺蹤何處尋
入社人空流水逝
講經臺迴暮雲沈
疏鐘盡度長廊靜
芳草寒生廢殿陰
欲向夜深訊僧定
多慚塵迹雜禪心

何孟倫一首

孟倫字慎明新會人嘉靖辛丑進士除鄞縣知縣改
建甯新昌徵授戶部主事歷員外郎中出爲浙江提
學副使

長相思

洞庭天闊雁來遲迢遞江南秋暮時新題錦字光陸離欲寄
幽情無所之長相思心惻惻楚水吳山杳相隔青楓搖落曉
烏嘯風露冷冷遠空碧

何遷二首

遷字益之德安所人嘉靖辛丑進士除戶部主事改
吏部謫九江判官起南吏部主事歷郎中就遷光祿
少卿改北再改太僕少卿以右僉都御史巡撫江西

進右副都御史總督漕運兼撫淮陽遷南刑部侍郎

革職閒住有吉陽山房稿

田按遷遊南太學爲湛甘泉講學弟子嘉靖癸丑甲寅間華亭與歐陽南野蓋雙江程松溪講學於京師靈濟宮學徒雲集至千人丙辰而後諸公或歿或去惟華亭尙在而講壇爲之一空矣戊午遷自南來爲太僕少卿復推華亭爲主盟再與靈密之會盛有時名及巡撫江西人以爲附和相訾得進厚歛以遺焉父子人言嘖嘖焉敗而遷以嚴氏黨罷矣遷歸後猶開席授經里諸生高致中遷還講室中懸分宜詩軸致中濡筆題軸云叔山已死洪塘謫天下何人是介翁今日登堂覽詩草始知公度實能容

偕省寮殷白野萬兩溪洪芳洲塗任齋遊牛首山

牛山臨象緯龍闕隱靈仙形勝開吳苑松杉識晉年樓臺四

天出雲雨兩峯懸偶共逃禪者忘言到法筵

磁州曉發

水落草初茁沙暄花欲開自憐江閣上人共早春來

董份 五首

份字用均烏程人嘉靖辛丑進士選庶吉士授編修
歷中允學士入直西苑擢禮部侍郎改吏部進禮部
尚書以事斥爲民有泌園集三十七卷

國史唯疑董份王林唐汝楫白啟常國史列爲嚴世
蕃私人啟常致以粉墨塗面供其歡笑諸公或才學
或門第均足自致通顯失足匪人坐身名俱敗可爲
後鑒

田按嘉靖二十三年命吏部尚書兼學士嚴訥禮部
尚書兼學士李春芳吏部侍郎兼學士董份俱直西
苑撰應奉青詞尋嚴李入閣參預機務董以給事中
歐陽一敬論劾削職去先是董爲考官取妻弟吳紹
中式紹吏部尚書吳鵬子也爲御史耿定向所舉劾
吳董各疏辨求罷帝命鵬竭忠供職份安心直撰吳
分宜黨也董亦與分宜子世蕃往還時嚴氏得罪人
言嘖嘖董得世蕃二萬金董雖供直西苑帝終不能

曲祖也。董歸後以貲名爲有司持短長。鄉人緣聞起。數見凌奪不勝悲憤。死時呼其子曰：「吾死無書，吾故官以白布三尺題曰耐辱主人足矣。」亦可哀也。份詩五言有清致，爲何元朗所推。

贈何元朗內翰之南都二首

執戟余方倦，摛詞爾獨雄。人分兩都別，官爲陸沈同。長路多秋草，虛堂急暮蟲。更憐明夜月，清影隔江東。

載筆新供奉，承恩舊帝京。離宮通祕署，江水切蓬瀛。待問稱書府，高談謝墨卿。邇來閒紙貴，知爾賦初成。

四友齋叢說：余赴官南館，京師諸公贈行詩不下數十首，唯董得陽五律最工。

送都侯李君之建昌

高賢稱微吏，建武本仙鄉。石室秦人洞，銅鑪華子岡。地偏宜坐嘯，齋靜得凝香。時向仙壇畔，清泉獨引觴。

寄蔡子

驅馬出門去，自知心不閒。
紅塵淹日月，青鏡改容顏。
與盡客中雨，夢多江上山。
良朋在茗水，歲暮閉柴關。

贈石林上人

上人棲息處，邱壑倚空門。
石悟三生意，林開雙樹園。
拂雲常獨坐，掃葉與誰論。
一扣禪關裏，何知有世喧。

王材二首

材字子難，建昌新城人。嘉靖辛丑進士，選庶吉士，授檢討，歷官南太常少卿。有念初堂集。

王菴太史謝官後重逢喜而有作

金馬早辭方朔詔，三山去傍赤城遊。
扁舟獨往雲無定，綠酒

相逢菊正秋佳句自應塵外得異書多向枕中收卻愁丹鳳
重霄下驚散飛飛海上鷗

遊山

松嶺筠關此重尋層巒十日滯春陰花經雨後紅初薄水到
潭心綠轉深丹井細煙留絕壁洞天香雨在疏林興來不憚
登臨數燈火黃昏下碧岑

許邦才十首

邦才字殿卿歷城人嘉靖癸卯舉人授永甯知州遷
德府長史改周府有梁園集四卷

滄溟集殿卿新篇道上但殿卿妙悟求似卽止不肯
由所不似以致其似爲遠有所隔
藝苑卮言于鱗與子與書云許殿卿海右集屬某中
尉爲序不佞嘗欲畀諸炎火乃周公瑕亦曰是旣已

不能禁其傳然不可以欺智者亦唯任之

海嶽靈秀集空石詩依于鱗而氣格不逮然于鱗詩

多客氣而空石溫厚或過之

明詩選宋轅文云于鱗亟稱殿卿其梁園集殊不稱

絕句差快意

列朝詩集魯藩觀燿曰于鱗詩多客氣而殿卿溫厚

或過之殿卿與于鱗相友善著海右倡和集因于鱗

以聞於當世今之尊奉濟南者視殿卿直附驥之繩

耳而齊魯間之論乃如此

王士禛蠶尾續文許殿卿少與滄溟倡和齊名鄉曲

今梁園正續集詩殊不足當滄溟下駟

黔書吾鄉許長史殿卿詩風格近韓倉縱橫跌宕可

喜余閱黔志知殿卿會謫官永甯遂搜摭其在黔之

作得絕句四首一初至永甯云風塵誰自料花鳥故

相猜問是山東客何由萬里來一元日云客中逢改

歲不解是何鄉時見懸門帖春風動夜郎一新添驛

云莖館孤燈半滅明江壩月落夜潮生無端鄉思三

更後聽盡滿風雨聲一夜投山家宿云西南嶺微

萬山隈昔日誰教漢帝開莖鳥常呼行不得馬蹏那

復夜深來其言藹惻和平得風人之旨

靜志居詩話殿卿如銳頭年少騁獵平原耳後生風

鼻端出火長歌有云長卿慕人千駭前何似與君俱

少年子雲慕人千載後何似與君俱白首爽氣殊倫
令張正言爲之不遇此也王元美贈詩云是時厯下
李攀龍往往道汝文章伯乃卮言評詩竟不之及又
夷之四十子之列取舍似未公也

神通寺

百里泰山陰千年號寶林諸天聞說法初地問安心古殿松
聲合長廊月色深夢醒禪榻寂清磬下雲岑

舟中

客子常明發霜天正寂寥移舟星在水解纜月隨潮往事梳
波駛歸心帆影搖更堪聞過雁蘆荻共蕭蕭

于鱗宅送江山人

良夜琴尊興不孤蕭然行色峭山湖天涯芳草思公子雪後
春風戀酒徒那惜十千共舉白從來百萬判呼盧河橋楊柳

誰堪把況復梅花正滿途

盈口

三月北風怒孤舟泊寒浦鄉夢苦難著瀟瀟滿江雨

丁香花

蘇小西陵踏月迴香車白馬引郎來當年賸綰同心結此日
春風爲翦開

秋夜楊娥歌

風捲秋聲不敢過月波凝在碧天阿那知千載韓娥後又有
楊娥一曲歌

平原道中答于鱗送別

神京千里促行裝一片離愁若箇長三疊陽關萬行淚春風

處處有垂楊

隋堤柳

汴水秋風著柳枝長隄一望影參差不知錦纜經過後憔悴如今又幾時

春晚城西卽事

花老春深風更顛勝遊常負恨年年不堪送客夷門道落日河橋聞杜鵑

送謝中丞東山歸射洪

六月江干冰雪涼射洪春酒鬱金香自從筇竹通西夏漢使年年出夜郎

劍閣芳華集東山嘗得易酒法歸射洪造釀甚美蜀人謂之謝酒

邵元善 二首

元善字台山普安衛人嘉靖癸卯舉人授岢嵐知縣擢戶部主事謫通州州判遷涿州知州被逮獲釋改辰州通判超擢四川僉事有賢奕稿

黔詩紀畧台山所在有治行嘉靖四十一年吏部尚書嚴訥奏請破資格拔幽異擢四川按察僉事史載平湖陸光祖爲文選郎中時破格擢廣能九人下僚競勸其一卽台山也普安諸邵文譽噪一時台山尤長詞賦所著賢奕稿西蜀陳宗虞爲之序擬以元道州可想像其風概田按台山賢奕稿已不傳予從明詩統獲詩二首亟登之

秋日懷弟

秋色臨芳甸秋風入綺疏那堪賦搖落對此獨躊躇命酒歌長夜思家步短除似聞雁聲度斟酌待相如

所思

擬向江南問卜居題詩新報故人知茅堂幽絕須鄰水我欲
先開洗硯池

沈九思 一首

九思字天啟上元人嘉靖癸卯舉人有頤貞堂稿

題顧寒松遺居

讀書人已往荒址抱寒流野雀行空案秋螢入破樓自甘泉
壑老不作子孫謀依舊松風響清名罕與傳

向燮 一首

翼字序伯程番人原籍上元嘉靖癸卯舉人官興國

知州有二淮稿

金陵瑣事向序伯中秋泛月云風動魚龍吹沸浪露寒蟾兔泣清秋會仙樓云逐江芳草自生態遙陌繁
花偏冶顏

登下鍾寺

撥雲登峻嶺古寺眺清秋危磴苔封滑虛壇草色幽谷深鐘
易響石怪水爭流蠟屐頻來此僧房半日留

趙邦彥

六首

邦彥字元哲東阿人嘉靖癸卯舉人有趙元哲集八
卷

田按元哲五言如花邊孤騎入雲裏萬峯青花風低
燕雀柳浪戲鳬鷺川雨遙明滅山雲仁有無貧賈妻
琴累愁隨遲暮生皆佳句也

夕歸卽事

村晚催歸興青崖一徑攀荒山紅葉寺野水白鷗灣漁唱隔
煙浦僧來扣竹關夕陽林影亂冉冉數鴉還

晚

石阜晚登眺深秋草木稀煙村一水隔野浦亂鴻飛松嶺日
初暝楓橋人暮歸淒涼惟破屋卒歲歎無衣

夏日郊居雜興

野廟依叢薄村巫禱歲豐漁樵分徑出鷄犬數家通柳色孤
舟雨蟬聲萬木風晚來伏社散扶醉送山翁

山寺

蘭若拱山巖青冥盤鳥徑夕陽山下村隱隱聞清磬

山屋

連山如翠屏正對幽人屋石洞飛白雲時來檐下宿

尋僧不遇

欲雨不雨天氣涼野寺無人秋葉黃松塢宴坐了無語時有
飛花點石床

明詩紀事

貴陽陳田輯

戊籤

金鑾十七首

鑾字在衡隴西人僑居南京有徙倚軒稿三卷

四友齋叢說南都自徐髯仙後惟金在衡最爲知音
善填詞其嘲調小曲極妙每誦一篇令人絕倒
金陵瑣事金山人鑾徐太傅園云楊柳晚風靜芙蓉
秋水香棹梁姬云江梅空紫笑園竹自成斑北河道
中云歸鳥亂曉原上樹夕陽多在水邊邨送李谷陽
云客中候曉霜如月馬上逢春草似煙
列朝詩集金山人在衡詩風流宛轉得江左清華之
致
帝里明代人文略風雅之會金陵盛者三在衡執騷
壇牛耳者再謂之詩人耆宿不亦可乎
田按山人詩清圓瀏亮無當時叫囂之習詞曲亦是
當家有蕭爽齋詞集惜少傳本

卷二十一
崇明寺答水雲禪師

野寺臨晴霽園花照暮春夕陽千樹繞芳草一江鄰有客來
何處逢人寄此身遠公能好事頭白更相親

泊淮上

愁輕遊冶興老重別離情野戍寒更盡河橋春水生斷雲疏
雁影殘月亂雞聲明發應千里蕭蕭過楚城

荆溪訪陳小峯

地僻煩歛遠心閒花事多園林無夙約風雨有時過子夜燈
前曲白雲行處窩還聞賦招隱叢桂近如何

鼓城道中答程石川

野店賣春酒村燈泊暮船詎知千里外重醉一樽前寂寞問

生事飄零入去年羈懷無所慰相贈有瑤篇

石湖

東風載蘭桹二月下橫塘芳草野湖碧落花春店香醉呼吳
市酒老作楚人狂良會催遲暮青樓尙理妝

再過界首哭薛東山

湖上重來訪隱君亭邊獨立見遺文漫因白髮悲山簡空對
玄心憶子雲失路煙霄元是夢放形鷗鳥自爲羣秋蕪萬井
荒原隔老淚無聲不可聞

酬保定總兵招遊靈谷寺

半山蒼翠鬱森森白日平鋪十里陰扶醉出城便瘦馬破忙
移席就幽禽草荒四壁僧堂古花散千巖法宇深幸託軒車

附韋市野亭春煖共追尋

范東溪池亭命伎

秋堂列燭擁笙歌夜燕傳呼出綺羅
明月照人千里共涼風吹面五更多
從知故國虛松菊爲報鄰塘老菱荷
不惜主人重命酒吳姬緩舞欲如何

清明客京口袁兩峯山樓值雨

他鄉逢節正淹留海色江聲共入愁
南去煙花迷楚苑北來風雨徧揚州
林深白晝長疑暮春老餘寒半似秋
村酒有時來地主野花無語對山樓

牛首

先皇曾此駐龍旂一夜空山擁六師
春鳥尙思巡幸處野花

不似樂遊時遙聞寺外江聲落
倒見天邊塔影垂
若問南朝
昔年事廢原荒井有豐碑

留別

重解西風柳下舟
雁聲只在海東頭
歌殘白苧青娥怨賦盡
江離楚客愁
秋水別來還泛泛
暮雲歸去復悠悠
流光欲遡
天南北遙帶銀河入斗牛

新安道中寄懷諸舊友

故嶺重經楓葉凋
旅懷蕭索伴歸樵
冰霜在道無千里
肌骨
侵寒已半消
石上亂雲隨馬度
樹頭殘雨逐人飄
翻思前夜
溪亭別竈燒清酒一瓢

春日尋企齋朱少府松窗徐公子見訪未暇展待且聞

別有佳約詩以答之

遠承華蓋及衡門日午相攜到日昏白髮自應忘縣長青袍
誰復識王孫更因夜月留何處忍對春風負此尊傳到城南
賸佳麗小詞翻出寄桃根

馮少宰山庄宴集酬乃弟稚山上舍

沿市湖邊水漸平煖風吹送落花輕一春苦雨空囓鳥十日
看山幾出城席地放歌酬勝會仰天長醉笑狂生午橋舊有
裴公墅漫屬羣賢紀姓名

有懷

悵望隔江雲春來不見君歌聲與流水俱在夢中間

秋夕

閉戶盡消百慮燒燈常到三更山靜寂無人語夜涼微有秋聲

吳門

闔閭城外花如煙洞庭山水連天安得弄花緣水去與君同上木蘭船

湯珍

四首

珍字子重長洲人以歲貢生除崇德縣丞遷唐府奉祀不赴有小隱堂詩集八卷

藝苑卮言湯子重詩如鄉三老入城威儀舉舉終少華治態田按子重七言斷句楚楚有致

穀日

人日纔過穀日來冷雲陰覆姑蘇臺春姿欲動梅羞慙華髮
相將歲暗催憶別獨吟東閣雨息機行到北山來清歡不爲
窮愁減瓊緣浮浮釀好開

送蘇子升往萬川 二首

荆門西去接夔門三峽波濤不可論一曲驪歌臨別酒楚雲
巴樹總銷魂

采石江頭芳草萋蛾眉磧畔曉猿啼扁舟穩泛桃花水好逐
春風訪漢西

越溪柳

掠燕藏鶯覆碧潭絲牽縷結弱難堪可憐庾信多蕭瑟猶想
春風似漢南

徐綽六首

綽字紹卿吳人有在笥集

黃德水國華集徐君拔藻最早享年最永其詩貴華采尙標致經營用思愈入愈深點綴旣成更務清朗吟誦再三眞賞自得

續吳先賢贊徐綽詩警絕有奇致

列朝詩集徐綽初名陵字少卿蔡李陵之爲人跌宕自喜挾筴遊建業徧覽形勝酒酣以往援筆賦詩感歎六代興亡之際高歌長嘯引聲出蕭寥間視舉世無如也

靜志居詩話紹卿學詩於蔡孔目而標格矜爽所謂弟子不必不如師

田按紹卿與皇甫子安兄弟遊皇甫長於五律故紹卿此體亦最勝

將歸夫椒泊湖口作

咫尺胥臺路風波滿渡頭
鵲情懸碧壠尊恩協滄洲
柳暗藏歸澱花深引去舟
白雲爲帶處彷彿識仙邱

遊南山循嶺東行稍窮幽勝

隴首酬華矚寒山轉鬱葱
窮林難見日靈穴易生風
帆影滄洲外雞聲綠樹中
何如石門興雲卧趣堪同

秋日山中寄高甫

客鬢經秋短離情向暮深
永懷琴馥意一展涉江心
嶺宿同哀狄林棲並倦禽
白頭誰故舊感激爲君吟

山家

山家日翠微澹蕩挹清暉
溪水繞門綠巖雲當戶飛
夕陽啼鳥盡細雨落花稀
遲暮何知客途歡便作歸

寓竹堂寺高甫攜榼見過

境外歡良晤壺觴戀夕陰
暝雲沈碧殿涼雨滄珠林
存沒悲

前事榮枯愴暮心一樽仍自惜惆悵別時襟

春日登灣上水樓

清賞歡同調聊成假日遊
暮窗紆翠岫春檻抱滄流
蕪綠煙催暝花寒雨作愁
紅芳坐來歇登處且銷憂

董難四首

難字西羽大理太和人有鳳唱集

田按楊升菴謫滇滇人與之倡和者有張禹山輩稱楊門六學士余謂皆不如西羽隱君也升菴贈詩云隱節盧鴻一詩名禁毋三可謂立賞惜詩不多傳

九鼎寺

片身凌碧落九鼎墮青層
寶日烘猊座春風護象乘
棧迷尋洞客雲貼補衣僧
爲款支郎宿晨炊借佛燈

玉局寺

杜鵑枝上春可憐
杜鵑聲裏雨如煙
萋萋滿目芳草碧
杳杳一髮青山懸
忽悲隴麥客遊次
卻憶楝花風信前
惆悵池塘綠陰樹
驚心一曲南薰絃

居易錄董西羽常輅轉住古音著韻譜慎志列隱逸傳曾見其題玉局寺一詩風格宛似楊升菴

袞袞寺

塔影胷同波松聲喧五鬢
石門竟不開秋露泣迦葉

點蒼山

極目望點蒼芙蓉插天闕
下有百尺松上有千年雪

賈惟孝

一首

惟孝字若曾嵩盟人有贗語開吟稿

田按者曾卽升菴詩所謂買東晦也音調清脆是宋
元人合作

秋林

林塘秋色淨疏雨夜來收紅葉迷樵徑青山落釣舟靜逢康
樂賞閒稱少陵遊有客分西爽吟邊獨倚樓

登螺峯四顧亭

傑閣危欄枕翠岡天開圖畫引壺觴人生能得幾時醉世事
可憐終日忙雨過樹頭雲氣溼風來花底鳥聲香一春好景
須尋樂回首南橋空夕陽

此詩亦見王襄敏集

張本 七首

本字斯植吳人有五湖漫稿

田按斯植五言格意俱高

家園秋夕

蓮菱屬秋暮，邱樊開華門。山風敝肌骨，潭月洗心魂。遠矚有不極，幽情誰與論。秋芳恰盈把，采采謝蘭蓀。

江邨秋暮

結宇靜堪適，鳴榔遙自歸。鵬依殘照集，鷗拂斷雲飛。纈綰蓴絲滑，香清菰米肥。溪翁對尊酒，風動芰荷衣。

太湖

於此目難極，凌之心渺然。澤吞吳越水，山浸具區天。雞犬波濤裏，魚龍日月邊。筆床吾所事，攜上紫溪船。

雨阻天池寺

花雨萬重色，甯無稽逸情。泉聞百竇出，雲看數峯生。佛子宣

蓮偈山童指藥名黃精一飽卧天半午風清

虎邱秋夜

而我隱淪客尋真白玉宮林通江店月樓得海帆風寧賦溪
羹綠糟香市酒紅喜逢吳域士攜手翠微中

新春雨後石湖漫興

淡蕩弄雲水青山成主賓祇園鐘喚鳥漁市鼓迎人興發揚
帆遠愁消命酒頻垂楊報春早相對意俱新

秋夜登閶門城樓

月白三吳晚天青八月秋芙蓉照江國蟋蟀上城樓海思飛
雲亂鄉心落葉愁忽聞黃鶴笛清夜重淹留

傅起巖

一首

起巖初名洪字晉卿更名後字夢求無錫人有正峯集

題戎王出獵圖

九月西風草木黃燕山飛兔白于霜
關支小隊穹廬出更向天邊射雁行

晏嘗一首

嘗字字泉新喻人正德間樂城教諭

寄西園先生

西園先生致不羣呼童日日埽山雲
相思一夜難成夢松外月來疑是君

何昞一首

晒字天宿大庾人

遊亞東山題壁

山寺春深載酒遲
鳥聲猶在落花枝
瑯琊永叔醉能記
修覺少陵狂有詩
碧蘚坐溫敲句石
酩酊酌費聽泉后
等閒歸去墨莊晚
那得白雲明月隨

蕭引鳳一首

引鳳字光儀南昌人正德間諸生官攸縣典史有望
羊樓集

江上

野漲茫茫浸白煙
蘆花只在釣船邊
漁家近日生涯好
網得江魚不賣錢

潘城一首

城字子良天台人

越中清明

去年寒食吳山頂今日清明越水濱
把酒獨看沙土鳥春風兩度客中人

張軌一首

軌字行之壽州人正德間諸生授羽林衛經歷改虎賁衛有西泚遺稿

遊古峽石寺

石磴盤空入翠微竹林疏處見禪扉
雲封松頂鶴歸晚草掩山溪客到稀
百尺瘦藤懸峭壁千年古塔下斜暉
方袍盡日

閒無事檐下穿鍼補衲衣

丁玘一首

玘字式玉丹陽人正德中貢生官南靖知縣

練水漁舟

晴湖澄碧練釣艇輕如葉呼酒入菰蒲收綸待明月